

terpretatione vulgata, caractere grandi, aterrimoque scripti, capitalibus librorum auro, coloribusque nitentibus. *Epistolae Hieronymi ad Paulinum et Desiderium* praecedunt. Sequitur *Pentateuchus*, *Josue*, *Liber Judicum et Ruth*. Josue pariter *Prologo Hieronymiano* instructus est.

VII. VI A. 14.

- 14 Codex membraneus lat. Sec. XIV. Folior. 272. Est Pars II. *Bibliorum* a Cod. praecedente incipientium, eodem caractere, iisdemque ornamentis. Infunt *Libri IV. Regum. II. Paralipomenon. Esdrae primus. Nebemias. Esdrae alter (tertius). Tobias. Judith. Esther*. Singulis praefixi sunt *Prologi Hieronymiani*. Ante I. *Paralip.* habetur ille, qui incipit: *Si septuaginta interpretum &c.* et quidem sine rubrica Calligraphi; ante II. vero ille, cujus initium est: *Quomodo graecorum historias &c.* rubrica minuta margini interiori adscripta.

VIII. VI A. 15.

- 15 Codex membraneus lat. Sec. XIV. Folior. 222. Est Pars III. *Bibliorum* praedictorum, continetque *Parabolas Salomonis, Ecclesiasten, Cantica Canticorum, Sapientiam, Ecclesiasticum, Isaiam, Jeremiam cum Baruch et Epistola* missa ad Captivos in Babylone. *Salomonis libri, Isaias et Jeremias Hieronymi Prologos* habent. *Ecclesiasti* insuper praefixus est il-
- Denis Codd. mfs. theol. Bibl. Palat.

le ejusdem Doctoris, qui incipit: *Memini me hoc ferme quinquennio, quemque legere est edit. Opp. Vallarsianae T. III. Veronae 1735. col. 381.* Sua quoque *Praeloquia Sapientia et Ecclesiasticus* habent ex generali Hieronymi in *Libros Salomonis Praefatione* excerpta. *Jeremiae* demum inepte affluta est pars C. 3. *Baruch* a v. 9. usque ad finem, quem errorem observans tardius Scriptor in margine exteriori minio adjecit: *hoc capitulum hic uocat.*

IX. VI A. 16.

Codex membraneus lat. Sec. XIV. Folior. 196. Est Pars IV. *Bibliorum* haecenus recensitorum, quae eadem manu et eodem ornatu complectitur *Jobum, Ezechielem, Danielelem, XII. Prophetas minores, librosque II. Machabaeorum. Job et Hieronymi et alio quodam Prologo munitus est, qui ejus Genealogiam narrat. Ad Jobi calcem imprudenter intrusa est pars Praefationis Hieronymianae in Libros Salomonis, finis item Baruch Prophetae cum Jeremiae Epistola, et tum demum Ezechiel, aliique suis, excepto Daniele, insigniti Prologis Prophetarum consequuntur. Prologi hi magnam partem ex Hieronymi Commentariis in Prophetas minores decerpti sunt, ut conferenti T. VI. Opp. edit. Vallars. Veronae 1736. patebit. In fine Codicis nostri thecae inscriptum legitur: *Iste liber est fratrum predicatorum**

B rum

rum *In chremis Qui eum furat ille a laqueo se suspedat.*

X. VI A 17

- 17 Codex membraneus lat. Sec. XIV. Folior. 278. Est Pars V. et ultima *Bibliorum*, de quibus supra. Continet Libros N. T. hoc ordine: *Evangelia Matthaei, Marci, Lucae, Johannis. Epistolas Pauli ad Rom. ad Corinth. II. ad Galatas. ad Epbes. ad Philippens. ad Colossens. ad Theffalonicens. II. ad Timotheum II. ad Tit. ad Philemon. ad Hebraeos. Actus Apostolor. Epistolas Canonicas Jacobi, Petri II. Johannis III. Judae ac tandem Apocalypsin.* Omnia haec brevibus Praeloquiis instructa sunt; per errorem tamen Praeloquium *Epistolae Judae* ante tertiam *Johannis* scriptum est. Locus de Testimonio I. *Joh. c. 5. v. 7.* sic habet: *Quoniam tres sunt, qui testimonium dant in terra. Spiritus, aqua et sanguis: et tres unum sunt. Et tres sunt, qui testimonium dant in celo. pater et uerbum, et spiritus sanctus. et hij tres unum sunt.* Codex demum hoc epiphonemate terminatur: *Anno incarnationis domini nostri iesu cristi. M^o. CCC^o. XXXIII. sequenti die Processi et Martiniani. Ego Chumradus Sæuicus scriptor incepi hoc opus. et deo dante perfeci Prisce. v. M^o. CCC^o. XXXIIII^o. Deo Gracias.* Id, quod de ultimo solum Tomo five N. T. intelligi debere, cum breve sex mensium spatium, tum alia hujus To-

mi, eaque minus elegans et accurata manus evincit.

Ceterum insigne isthoc *Bibliorum Exemplar*, utut *Psalterio* destituatur, iis, quae in *Lelongii Biblioth. sacra* enumerantur, omni jure accenseri postulat.

XI. VI B. 7

Codex membraneus lat. Sec. 60 XV. Folior. 155. f. per duas columnas eleganter scriptus, frontibus librorum deauratis et picturatis est *Tomus I. Sacrorum Bibliorum* ex *Versione Hieronymi*, cujus Praefationes ubique praefatae sunt. Habetur vero hic *Pentateuchus, Liber Josue, Judicum* et *Ruth*, omnes in *Capita* distincti.

XII. VI B. 8

Codex membraneus lat. Sec. 61 XV. Folior. 204. scriptus et ornatus uti praecedens, est *Tomus II. Sacrorum Bibliorum*, complectiturque *Libros IV. Regum, Paralipomena, II. Esdrae, Proverbia, Ecclesiasten, Cantica Canticor. Sapientia. i. Ecclesiasticum.* Libros *Regum* Prologus galeatus *Hier.* praecedit. Primi duo in subjectis rubricis *Samubel*, posteriores *Malachim* adpellantur. *Paralipomenis* et *Esdrae* praefatur *Hieronymus*. Hic vero non dividitur in *Libros II.* sed finito primo adjecta est rubrica: *nec explicit, nec incipit*, statimque continuatur *Nehemias*, novo tamen *Capitum numero.*